

Aalisarnermut Piniarnermullu Naalakkersuisoqarfimmut

Tiguisisussa: Rebekka Nygård Bak

## **2025-mi raajanik pisarineqarsinnaasunik tamarmiusunik aalajangersaanermut atatillugu SFG-mit tusarniaanermut akissut**

2025-mut raajanik pisarisarineqarsinnaasunik tamarmiusunik aalajangiinissamut siunnersuutit nassiunneqarsimasut SFG-p misissorsimavai ukuninngalu oqaaseqaatissaqarpoq.

Nunatta kitaani raajarniarnermi 89.687,5 t. pisarineqarsinnaasut siunnersuutigineqartut qaffasippallaartut aamma MSC-mi malitassamut naleqqutinngitsut SFG-mit isumaqarfigineqarput. 2024-mut pisarineqarsinnaasunik tamarmiusunik aalajangersaaneeq eqqarsaatigalugu taama annertutigisunik pisassiissutissatut aalajangersaaneeq ilisimatusarneq tunngavigalugu siunnersuineri siunnersuutigineqartut annerusumik qaangerneqarnerannik kinguneqassaaq.

Ukiuni tulleriinni ataannartuni ilisimatusarneq tunngavigalugu siunnersuutigineqartunik taama annertutigisumik qaangiineq MSC-tut akuersissummut atatillugu kingunerluuteqarnissaa naatsorsuutigineqarsinnaavoq tamannalu innersuussutigineqanngilaq. Pisassiissutit annertussutsit aalisarneqarsimangitsut aappaagumut nuunneqarsinnaasut (pisassiissutit nuunneqarsinnaasut) kiisalu SFA1-imut atatillugu Canadap nammineq pisassatut aalajangersagai eqqarsaatigalugit qaangiilluni aalisartoqarnissaa imaluunniit raajat suli annerusumik aalisarneqarsinnaanerat aarlerinaataavoq. Tamatuma saniatigut Nunatta kitaani raajanut pisassiissutit tamakkiisut NAFO-p naatsorsuineri naapertorlugu pisarineqarsinnaasut siunnersuutigineqartut qaangerneqarput aamma ilisimatusarneq tunngavigalugu innersuussuutigineqartut 2022-mi 2023-milu 3000 t. miss. qaangerneqarput.

Ataatsimut isigalugu pissutsit qulaani allassimasut pissutigalugit ukiup tulliani MSC-tut akuersissummik pissarsinissaq ajornarnerulissaaq. Pissutsit qulaani eqqaaneqartut eqqarsaatigalugit qaangiilluni aalisartoqarneranik kinguneqarnavianninnera pillugu pingaartumik assessment teamimut uppernarsaanissaq ajornarnerulissaaq.

**Inassuteqaat:**

Nunatta kitaani 2025-mi raajarniarnermi pisarineqarsinnaasut tamarmiusut annerpaamik **83.125 tonsinut** aalajangersarneqarnissaat pillugu SFG Aalisarnermut Piniarnermullu Naalackersuisoqarfimmut inassuteqarpoq. Pisarineqarsinnaasutut siunnersuutigineqarsimasut 95.000 tonsit eqqarsaatigalugit 12,5%-inik ikinnerussuteqarput, taakkulu 2024-mi tunngaviatigut pisarineqarsinnaasutut aalajangersarneqarsimassagalarput.

83.125 tonsit aqutsinikkut uumassusilerinikkullu illersorneqarsinnaassapput. Taakku amerlassutsit annerpaamik ukiumut pisarineqarsinnaasut 12,5%-imik allanngorarnissaat ilanngullugu aqutsinissamik pilersaarummi aqutsinissamut malittarisassanut (harvest control rule) kiisalu pingaarnertut periusissiamut (aalisarnissamut periusissiaq) iluaqutaapput, taakkunani katillugit annerpaamik 35%-imik peqassutsit ilanngartarnerannik (Zmsy) qaangeeratarsinnaanermut tunngatillugu NAFO-p malittarisassaannik malinninnissaq anguniarneqarpoq, aamma taakku aqutsinissamik pilersaarummut Naalackersuisut akuerisimasaannut ilaapput.

Uumassusilerineq aammalu MSC-mi malitassaq eqqarsaatigalugit 83.125 tonsinik pisassiissutitut aalajangersaaneq illersorneqarsinnaassaaq.

Naggasiutigalugu raajarniarnermut aqutsinissamik pilersaarummik misissuineranut atatillugu aappaagu pisassiissutinik nuussisinaanermut atatillugu saniatigut aqutsisoqarsinnaaneranik misissuisoqarnissaa SFG-mit kajumissaarutigineqarpoq aalisarnek pillugu inatsimmi allassimasutut katillugit pisarineqarsinnaasut 25%-iinnaat pinnagit. Pisassiissutinik nuussinerup malitsigisaanik pisarineqarsinnaasunik 25%-inik qaangiinissamut aarlerinaat pissutigalugu MSC-mi malitassamut atatillugu uppernarsaasiinissaq ajornassaaq, aamma pisassiissutinik nuussisarnek ukiumoortumik nakkutilliineranut atatillugu apeqqutigineqartuaannarpoq.

### **Tunu:**

2025-mut 6.850 tonsinik pisarineqarsinnaasutut aalajangersaanissamut siunnersuuteqarneq 1.000 tonsinik ilisimatusarneq tunngavigalugu innersuussuteqarnermik qaangiinerujussuusiq SFG-mit maluginiarneqarpoq. Taamaattorli siunnersuinermi eqqaaneqarpoq aalisarnermut tunngatillugu aqutsinissamut pilersaaruteqannginnera SFG-it aamma maluginiarneqarpoq. Flimimut tunngatillugu ersarissumik anguniagaqartoqanngilaq, tamatumalu kingunerisaanik annerusumik mianersornerulluni ilisimatusarneq tunngavigalugu siunnersuusiortoqassaaq. Tunumi raajarniarnek MSC-mut akuersissuteqanngimmat tassanerpiaq aalisarnermut pisarineqarsinnaasunik aalajangersaanissamut tunngatillugu SFG aalajangersimasumik innersuussuteqanngilaq.

Inussiarnersumik Inuulluaqqusillunga,

Sustainable Fisheries Greenland